



01-4
✓03
JW

BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 07-2-20-761-3 /22
Sarajevo, 6.5.2022. godine

AmCham BiH
Fra Anđela Zvizdovića 1
71000 Sarajevo

VANJSKOTRGOVINSKA/SPOLJNETRGOVINSKA KODORA
BOSNE I HERCEGOVINE
Branislava Đurđeva 10, Sarajevo

Primijeno:	26.05.2022.		
Organizaciona i Klasifikaciona	Redni broj	Broj lista	
01-4	01-4	394-3	

Predmet: Informacija, dostavlja se

Veza vaši dopisi broj 03-02-130 od 22.2.2022. godine i 03-02-150 od 8.4.2022. godine

Vašim dopisima, broj i datum veze, obratili ste se ovom ministarstvu sa inicijativom za smanjenje/ukidanje carinske stope na IT opremu pri uvozu u Bosnu i Hercegovinu jer, kako navodite, zbog visoke carinske stope nabavka IT opreme za kompanije u BiH je otežana a kao rezultat toga jeste usporen razvoj digitalizacije u našoj državi. Voljeli biste da shodno Odluci koju je donijelo Vijeće ministara BiH o privremenom smanjenju carinskih stopa na određenu robu uzmemo u razmatranje i smanjenje carinske tope na IT opremu. Dalje navodite da su u Makedoniji, Albaniji i zemljama Europske unije carinske stope 0% a da je u Srbiji carinska stopa smanjena u proteklom periodu. Navedeno bi, kako navodite, imalo značajan uticaj na razvoj digitalizacije i značajan benefit za lokalne IT kompanije omogućivši im rast zaposlenih, kao i razvoj poslovanja na tržištu.

U vezi sa gore navedenim ukazujemo na činjenicu da se ovdje radi o privremenim mjerama koje usvaja Vijeće ministara BiH na godišnjem nivou u sklopu Odluke o privremenim suspenzijama i privremenom smanjenju carinskih stopa na uvoz određenih roba a kojom su obuhvaćeni materijali i sirovine koji se smatraju repromaterijalom. Osnovni kriterij da se neki repromaterijal uvrsti na listu roba utvrđenih Odlukom o privremenoj suspenziji i privremenom smanjenju carinskih stopa kod uvoza određenih roba propisan je članom 2. stav 1) navedene Odluke. Naime, robe koje će se uvoziti uz korištenje tarifnih suspenzija, utvrđuju se prema kriteriju da se radi o materijalima i sirovinama koji se koriste **u vlastitoj proizvodnji** a koje se ne mogu nabaviti na domaćem tržištu u količinama i kvalitetu potrebnom za proizvodnju gotovih proizvoda.

Iz vašeg zahtjeva konstatuje se činjenica da radi se o robi koja se smatra gotovim proizvodom a ne repromaterijalom i na kojoj se neće vršiti nikakva obrada ili prerada. Zbog navedenog, ova roba ne može biti obuhvaćena Odlukom o privremenoj suspenziji i privremenom smanjenju carinskih stopa kod uvoza određenih roba.


Vaš zahtjev je detaljno analiziran, uz prikupljene podatke o uvozu ovih roba u BiH u 2020. i 2021. godini. Bilo koja izmjena carinske stope moguća je samo izmjenama Zakona u Parlamentarnoj proceduri međutim detaljnom analizom tarifnih oznaka koje ste naveli u svojoj inicijativi došli smo do zaključka da je uvoz u protekle dvije godine bio po predmetnim tarifnim oznakama bio ogroman što znači da bi ukidanje istih imalo veliki negativan uticaj na budžet Institucija BiH. Takođe analizom carinskih stopa zemalja u regionu došli smo do zaključka da nisu sve stope carina 0% kao i da neke od ovih zemalja imaju zaključene posebne trgovinske sporazume u okviru kojih su stope carina dodatno snižene ili ukinute.

U skladu sa svim navedenim smatramo da u ovom trenutku nismo u mogućnosti da udovoljimo Vašem zahtjevu za smanjenje carinskih stopa kod uvoza određene IT opreme međutim ministarstvo će i dalje konstantno vršiti analize i pokušavati da iznađe mjere koje će s jedne strane biti od interesa za privredu BiH, a s druge strane, koje će biti u skladu sa svim potpisanim međunarodnim sporazumima istovremeno vodeći računa i o uticaju tih mjera na budžet Institucija Bosne i Hercegovine.

Ukoliko budete trebali dodatnih informacija po ovom pitanju stojimo vam na raspolaganju.

S poštovanjem,

MINISTAR
Staša Košarac



Dostavljeno:

1. Naslov
2. Vanjskotrgovinska komora BiH, Branislava Đurđeva 10
3. Arhiva